

մէն կըսկսի տեղական հրապարակին վրայ մանր առեւտուրի և միւս կողմէն զրկելու ի կեսարիա ամէն կարգի վաճառք՝ չահակցութեամբ իր բազմաթիւ եղբարց, որոց մեծն ու հայրապատիւն էր Հաճի Մանուկ:

Ժամանակին՝ մանաւանդ օտարազգի՝ գլխաւոր վաճառականներն էին ի, Կ. Պոլիս Թ. Բալի, Բէդէր Վիչինոյ, Ստէֆանովիչ, Քասդէլի, Շիքեարի, Չիլինիա, Տէքոզի, Սքուլիտի, Տալիտ Կլավանի ու Անտրէա Հէր աւըստրիացին, որ Վիեննայի և Զուիցերիայի վաճառքներու վրայ կընէին մեծ գործեր. իսկ մեծ սեղանաւորներ էին Տուպինի, Բոլանտոյ, Քորոնիոյ, Պալթաճը, Ալիոն, Զարիֆի և այլք: Մանուկեան մանուկ վաճառականն ալ այս մեծ վաճառականներէն կառնէր իր վաճառքն ու պէտքը, և կեսարացոց յատուկ խիստ յառաջամտութեամբ քիչ ժամանակէն զարգանալով՝ փոխադրուեցաւ հինաւուրց Քէպէճի խանը⁽¹⁾, և հոն սկսաւ գնել պաշտայով մեծաքանակ ու ծախել մեծաքանակ՝ ընդհանրապէս տիրաբաժօն, շէյթան պէզի, պոյալըներ ու վերջերը նաև պասմայ, որ կը վաճառուէր մեծագոյն մասամբ 38 ինչէզի վրայ՝ եարտան 70 փարայէն մինչև 3¹/₂-4 զրշ. ի:

Այսպէս տասներեք տարի շարունակելով՝ 29-30 տարեկան հասակին արդէն եղած էր Կ. Պոլիսի առաջին օտանին. Հաճի Մանուկ՝ նահապետական շատ պարզմիտ դրութեամբ կը նշանէ հեռուէն՝ կեսարիայէն՝ իր կրտսեր այս եղբայրն Արզեան Մանուկի քրոջն հետ, նոյնպէս նըշանաւոր ընտանիքէ: Սենեքերիմ Մանուկեան մեծ պատրաստութեամբ և պատուասիրութեամբ Զմիւռնա, Պէրութ, Մէրսին հանդիպելով՝ կը ժամանէ կեսարիա, և

(1) Կաւանդուի որ այս մեծ իջեւանը մնացած է Կոստանդիանոսի ժամանակէն. ի սկզբան կը ծառայէր հիւանդանոցի տեղ: